

Fundargerð 947. fundar

stjórnar Sambands íslenskra sveitarfélaga

Árið 2024, föstudaginn 19. apríl kl. 12:00 kom stjórn Sambands íslenskra sveitarfélaga saman til fundar og fór hann fram í gegnum fjarfundarbúnað.

Fundinn sátu: Heiða Björg Hilmisdóttir, Einar Brandsson, Einar Þorsteinsson, Freyr Antonsson, Guðmundur Ari Sigurjónsson, Hildur Björnsdóttir, Margrét Ólöf A. Sanders, Nanný Arna Guðmundsdóttir, Rósa Guðbjartsdóttir, Walter Fannar Kristjánsson og Jón Björn Hákonarson.

Að auki sátu fundinn Arnar Þór Sævarsson, Inga Rún Ólafsdóttir, Valgerður Rún Benediktsdóttir, Grétar Sveinn Theodórsson, Helga María Pálsdóttir, Þórdís Sveinsdóttir og Valur Rafn Halldórsson sem ritaði fundargerð.

Fundargerðin var færð í tölvu.

Þetta var tekið fyrir:

1. Fundargerð 946. fundar - 2309033SA

Lögð fram til kynningar fundargerð 946. fundar stjórnar sambandsins frá 5. apríl 2024 sem undirrituð hefur verið með rafrænum hætti.

2. Endurmörkun sambandsins - 2401009SA

Á fundinum verða lagðar fram tillögur að endurmörkun sambandsins, áður á dagskrá stjórnar sambandsins 12. janúar 2024, en þá var samskiptastjóra falið að vinna að endurmörkun í samvinnu við framkvæmdastjóra og koma með tillögur inn á fund stjórnar. Ragnar Jónsson og Ívar Björnsson frá Tvist auglýsingastofu komu inn á fundinn undir þessum lið og gerðu grein fyrir tillögunni.

Stjórn þakkar fyrir góða kynningu og samþykkir tillögu að endurmörkun Sambands íslenskra sveitarfélaga.

Jóhanna Ýr Jóhannsdóttir, bæjarfulltrúi í Hveragerði og formaður stafræns ráðs sveitarfélaga, kom inn á fundinn undir lið 3 og 4.

3. Stafrænt ráð sveitarfélaga - 2009664SA

Lagðar fram fundargerðir 23., 24., 25., 26. og 27. fundar stafræns ráðs sveitarfélaga frá 15. nóvember 2023, 17. janúar og 21. febrúar, 20. mars og 17. apríl 2024.

4. Viljayfirlýsing um samræmt verklag sveitarfélaga í byggingarmálum - 2403016SA

Lögð fram til kynningar viljayfirlýsing Húsnæðis- og mannvirkjastofnunar (HMS), Sambands íslenskra sveitarfélaga, Stafræns Íslands og Reykjavíkurborgar, dags. 2. apríl 2024, um samræmt verklag sveitarfélaga í byggingarmálum.

5. Starfsáætlun sambandsins 2024 - 2312016SA

Lögð fram til afgreiðslu starfsáætlun sambandsins fyrir árið 2024.

Stjórn samþykkir starfsáætlun Sambands íslenskra sveitarfélaga fyrir árið 2024.

6. Samkomulag ríkis og sveitarfélaga á grundvelli laga um opinber fjármál - 2009616SA

Lagt fram samkomulag um markmið um afkomu og efnahag sveitarfélaga árin 2025-2029 á grundvelli 11. gr. laga um opinber fjármál, nr. 123/2015. Einnig lagt fram sem trúnaðarskjal minnisblað samráðsnefndar um opinber fjármál til jónsmessunefndar um áætlaða afkomu sveitarfélaga 2025-2029.

Í tengslum við undirritun samkomulags um markmið um afkomu og efnahag sveitarfélaga árin 2025-2029 vill stjórn Sambands íslenskra sveitarfélaga áréttta að fjárhagsáætlanir sveitarfélaga markast af áralöngum hallarekstri sem, eins og margoft hefur komið fram, má að stórum hluta rekja til vaxandi útgjalda vegna málaflokks fatlaðs fólks. Í desember sl. var undirritað samkomulag um breytingu á fjárhagsramma þjónustu sveitarfélaga við fatlað fólk sem var áfangi á þeirri leið að ná sátt um fjármögnun málaflokksins. Ennþá er þó margt óunnið og mikilvægt að ríki og sveitarfélög vinni þétt saman að því að tryggja málaflokknum fullnægjandi fjármögnun. Jafnframt ítrekað stjórn Sambands íslenskra sveitarfélaga mikilvægi þess að áfram verði unnið að endurskoðun á tekjustofnum sveitarfélaga með það að markmiði að þeir verði breikkaðir og styrktir svo að þeir geti raunverulega staðið undir þeirri þjónustu sem sveitarfélögum er ætlað að veita. Á sama tíma og gert er ráð fyrir hóflegum fjárfestingum þá er verið að kallað eftir aukinni fjárfestingu m.a. hvað varðar húsnæðisuppbyggingu með tilheyrandi innviðaupbyggingu en víða eru sveitarfélög nú þegar í innviðaskuld. Nauðsynlegt er að leggja mat á raunverulega fjárfestingaþörf sveitarfélaganna. Sambandið leggur því áherslu á að áfram verði unnið markvisst að þeim fjölmörgu umbótaverkefnum sem samkomulagið kveður á um svo tryggja megi raunverulegan ávinning og árangur þess.

7. Fundir Jónsmessunefndar - 2401003SA

Lagðar fram fundargerðir samstarfsnefndar ríkis og sveitarfélaga - Jónsmessunefndar frá 10. janúar, 8. febrúar, 25. apríl, 10. maí, 14. júní, 9. október, 8. og 22. nóvember 2023 og 10. janúar og 2. apríl 2024.

8. Staða kjaramála - 2301032SA

Formaður samninganefndar sveitarfélaga gerir grein fyrir stöðu kjaramála í apríl 2024.

9. Verkefnisstjórn fyrir hagsmunagæslu í úrgangsmálum - 2210013SA

Lögð fram fundargerð 95. fundar verkefnisstjórnar fyrir hagsmunagæslu í úrgangsmálum frá 13. mars 2024.

10. Velferðarvaktin - 2009312SA

Lagt fram bréf Velferðarvaktarinnar, dags. 28. febrúar 2024, um stöðu tekjuminni hópa á húsnæðismarkaði.

Walter Fannar Kristjánsson vék af fundi kl. 14:40.

- 11. Fyrirkomulag eftirlits með hollustuháttum og mengunarvörnum og matvælum - 2301022SA**

Endurskoðun á eftirlitskerfi með hollustuháttum, mengunarvörnum og matvælum.

Stjórn Sambands íslenskra sveitarfélaga tekur undir að þörf sé á að ráðist verði í heildstæða endurskoðun á núverandi eftirlitskerfi með hollustuháttum og mengunarvörnum. Við þá endurskoðun sé mikilvægt að greina kosti og galla enda eru þau gögn sem liggja fyrir í dag ekki fullnægjandi til að sveitarfélög geti tekið afstöðu til mögulegra breytinga á eftirlitskerfinu. Þegar sú greining liggur fyrir sé jafnframt mikilvægt að hún sé kynnt vel fyrir sveitarstjórnnum svo þau geti tekið upplýsta afstöðu til málsins.
- 12. Tillaga til landsþings - 2304024SA**

Lögð fram tillaga fulltrúa Skagafjarðar, Húnabyggðar, Húnaþings vestra, Skagastrandar og Skagabyggðar sem kynnt var á Landsþingi Sambands íslenskra sveitarfélaga þann 14. mars 2024.

Stjórn þakkar fyrir brýninguna og tekur undir að það er mikilvægt að þessari mikilvægu vinnu verði lokið eigi síðar en 1. júní 2024.
- 13. Endurskoðun á byggingarreglugerð - 2404022SA**

Endurskoðun á fyrirkomulagi byggingareftirlits.

Í tengslum við yfirstandandi endurskoðun á fyrirkomulagi byggingareftirlits, sem er hluti af aðgerðaáætlun við rammisamning sambandsins og ríkisins í húsnæðismálum, leggur stjórn Sambands íslenskra sveitarfélaga áherslu á að hugmyndir að breytingum verði kynntar vel fyrir sveitarstjórnnum svo að þau geti tekið upplýsta afstöðu til málsins.
- 14. Fundargerð XXXIX. landsþings sambandsins - 2304024SA**

Lögð fram til kynningar fundargerð XXXIX. landsþings Sambands íslenskra sveitarfélaga sem haldið var í Silfurbergi í Hörpu í Reykjavík, 14. mars 2024.
- 15. Tilnefning í starfshóp til að vinna að þróun og nýsköpun í þjónustu við fatlað fólk - 2402024SA**

Lagt fram til kynningar bréf sambandsins til félags- og vinnumarkaðsráðuneytisins, dags. 19. mars 2024, þar sem Ólafur Garðar Rósinkarsson, teymisstjóri í málefnum fatlaðra hjá Reykjanesbæ, er tilnefndur í starfshóp til að vinna að þróun og nýsköpun í þjónustu við fatlað fólk.
- 16. Tilnefning í stjórn Vinnueftirlits ríkisins 2024-2028 - 2403018SA**

Lagt fram til kynningar bréf sambandsins til félags- og vinnumarkaðsráðuneytisins, dags. 2. apríl 2024, þar sem Valur Rafn Halldórsson, sviðsstjóri þjónustusviðs sambandsins, og Inga Rún Ólafsdóttir, formaður samninganefndar sveitarfélaga, eru tilnefnd í stjórn Vinnueftirlits ríkisins.

- 17. Endurtilnefning í stýrihóp um framfylgd þingsályktunar um forvarnir gegn kynferðislegu og kynbundnu ofbeldi og áreitni - 2103036SA**

Lagt fram til kynningar bréf sambandsins til forsætisráðuneytisins, dags. 2. apríl 2024, þar sem Helga María Pálsdóttir, sviðsstjóri stjórnsýslusviðs sambandsins, er tilnefnd í stýrihóp um framfylgd þingsályktunar um forvarnir gegn kynferðislegu og kynbundnu ofbeldi og áreitni fyrir árin 2021-2025.
- 18. Tilnefning í fagráð um umferðarmál - 2402035SA**

Lagt fram til kynningar bréf sambandsins til innviðaráðuneytisins, dags. 3. apríl 2024, þar sem Þórkatla Soffía Ólafsdóttir, bæjarfulltrúi í Vesturbyggð, og Helgi Kjartansson, oddviti í Bláskógabyggð, eru tilnefnd í fagráð um umferðarmál. Það þeirra sem ráðherra skipar ekki verður varamaður hins.
- 19. Tilnefning í starfshóp um einn feril húsnæðisuppbýggingar - 2403030SA**

Lagt fram til kynningar bréf sambandsins til innviðaráðuneytisins, dags. 3. apríl 2024, þar sem Vígfús Þór Hróbjartsson, skipulagsfulltrúi Umhverfis- og tæknisviðs Uppsveita bs., er tilnefndur í starfshóp um einn feril húsnæðisuppbýggingar.
- 20. Tilnefning í starfshóp um innviðaleið - 2403014SA**

Lagt fram til kynningar bréf sambandsins til matvælaráðuneytisins, dags. 4. apríl 2024, þar sem Ívar Karl Hafliðason, sveitarstjórnarfulltrúi í Múlaþingi og Arna Lára Jónsdóttir, bæjarstjóri Ísafjarðarbæjar, eru tilnefnd í starfshóp um innviðaleið.
- 21. Skipun í faggildingarráð - 2310013SA**

Lagt fram til kynningar bréf menningar- og viðskiptaráðuneytisins, dags. 8. mars 2024, þar sem Óskar Ísfeld Sigurðsson, deildarstjóri Matvælaeftirlitsins er skipaður í faggildingarráð.
- 22. Tilnefning í stýrihóp um eftirlitskerfi með hollustuháttum og mengunarvörnum og matvælum - 2403038SA**

Lagt fram til kynningar bréf sambandsins til umhverfis-, orku- og loftslagsráðuneytisins, dags. 9. apríl 2024, þar sem Valgerður Rún Benediktsdóttir, er tilnefnd í stýrihóp um eftirlitskerfi með hollustuháttum og mengunarvörnum og matvælum.
- 23. Tilnefning í loftslagsráð - 2403023SA**

Lagt fram til kynningar bréf sambandsins til umhverfis-, orku- og loftslagsráðuneytisins, dags. 9. apríl 2024, þar sem Guðbjörg Oddný Jónasdóttir, formaður umhverfis- og framkvæmdaráðs Hafnarfjarðarbæjar, Dóra Björt Guðjónsdóttir, formaður umhverfis- og skipulagsráðs Reykjavíkurborgar og Stefán Þór Eysteinnsson, formaður bæjarráðs Fjarðabyggðar eru tilnefnd í loftslagsráð.

24. **Umsögn um drög að stefnu um sjálfbæra þróun til 2030 hvítbók - 2403024SA**
Lögð fram til kynningar umsögn sambandsins til forsætisráðuneytisins, dags. 19. mars 2024, um drög að stefnu um sjálfbæra þróun til 2030 (hvítbók), S-59/2024. mál.
25. **Umsögn um frumvarp til laga um breytingu á lögum um þjóðlendur og ákvörðun marka eignarlanda, þjóðlendna og afrétta - starfslok óbyggðanefndar - 2403033SA**
Lögð fram til kynningar umsögn sambandsins til allsherjar- og menntamálanefndar Alþingis, dags. 21. mars 2024, um frumvarp til laga um breytingu á lögum um þjóðlendur og ákvörðun marka eignarlanda, þjóðlendna og afrétta, nr. 58/1998 (starfslok óbyggðanefndar. 737. mál, ásamt fylgiskjali.
26. **Umsögn um drög að frumvarpi til laga um námsgögn - 2403035SA**
Lögð fram til kynningar umsögn sambandsins til mennta- og barnamálaráðuneytisins, dags. 25. mars 2024, um drög að frumvarpi til laga um námsgögn, mál nr. S-74/2024.
27. **Umsögn um frumvarp til sóttvarnarlaga - 2404004SA**
Lögð fram til kynningar umsögn sambandsins til velferðarnefnd Alþingis, dags. 8. apríl 2024, um frumvarp til sóttvarnarlaga, 867. mál.
28. **Umsögn um frumvarp til laga um slit ógjaldfærra opinberra aðila - 2404008SA**
Lögð fram til kynningar umsögn sambandsins til efnahags- og viðskiptanefndar Alþingis, dags. 9. apríl 2024, um frumvarp til laga um slit ógjaldfærra opinberra aðila, 705. mál, ásamt fylgiskjali.

Fundi var slitið kl. 15:05.